



Aningaasaqarnermut Naalakkersuisoq

Tallimanngornermi ulloq 9. december 2011 Aningaasaqarnermut Akileraartarnermullu Ataatsimiititaliap aalajangernera pillugu Naalakkersuisunut ilisimatitsissut - Suliaq nr. 01.31.06/11-00563

2012 aamma 2013-imi sullissinissamik Arctic Green Food A/S-imik aamma Royal Greenland A/S-imik isumaqatigiissuteqarnissat

Naalakkersuisut **inassutigaat**,

- Arctic Green Food A/S-imik sullissinissamik isumaqatigiissut ilanngunneqartoq 2012-imi 11 mio. kr.-inik 2013-imalu 7 mio. kr.-inik allassimasutut aningaasartuuteqarfiusussaq taamatut isikkoqartillugit akuerineqassasoq
- Royal Greenlandimik sullissinissamik isumaqatigiissut 2012-imi 9.570 mio. kr.-inik 2013-imalu 7.200 kr.-inik aningaasartuuteqarfiusussaq taamatut isikkoqartillugu akuerineqassasoq
- 20,570 mio. kr.-it 2012-imi aamma 14,2 mio. kr.-it 2013-imi konto pingarnermit 50.01.18-imit, Tunisassiorfinnik ingerlatsinissamik isumaqatigiissutinut tunngasumit, tiguneqassasut.

Aningaasaqarnermut Ataatsimiititaliap oqaaseqaatai

Nunaqarfinti tunisassiorfiit eqqarsaatigalugit Royal Greenland A/S-imik (RG) aamma Arctic Green Food A/S-imik (AGF) sullinissamik isumaqatigiissutinik ukiunut marlunnut atuuttussanngorlugit, maannamut ukioq ataasiinnaq atuuttalaruarlutik.

Arctic Foodimut aamma Royal Greenlandimut ukiut siuliini sullissinissamik isumaqatigiissuteqarnermut nangissutit suliassaq isigineqassaaq. (Kingullermik Aningaasaqarnermut Ataatsimiititaliap suliassaa aningaasaliissuteqarfissaq 11-518). Paasisinnaasagut ma-lillugit taamaalilluni matumani pineqarput sullissinissamik isumaqatigiissutinik atuuttunik atueqqiinerit, maannali isumaqatigiissutit ukiunut marlunnut atuuttussanngorlugit, maannamut ukioq ataasiinnaq atuuttalaruarlutik.

Sullissinissamik isumaqatigiissutit AI2012-imi kontumut pingarnermut 50.01.18 Ingerlatsinermut isumaqatigiissutit, Tunisassiorfiit, oqaasertaliussaq tunngavigalugu isumaqatigiissutiginiarneqarput, taamaalillunilu isumaqatigiissuteqartoqarnissaanut piumasaqataalluni taakk Aningaasaqarnermut Ataatsimiititaliamit akuerineqarsimanissaat.

Tassunga atatillugu tikkuarneqassaaq ukiunik marlunnik atuuttusanik sullissinissamik isumaqatigiissuteqarnissamut tunngavissaq 2012-imi aningaasanut inatsimmi allassimammatt 2012-imali aningaasanut inatsit 1. januar 2012-imi aatsaat atuutilersussaammat sullissinissamik isumaqatigiissut siusinnerpaamik ulloq 1. januar 2012-imi atsiorneqarsinnaammat, tamatumal kingunerisaanik AGF-imut isumaqatigiissummi immikkoortoq 3.2 aammalu RG-mut isumaqatigiissummi immikkoortoq 4.2 naapertorlugit akiliuitit ullup tamatuma kingorna

aatsaat aallartinneqarsinnaallutik.

Suliami 11-518-imi 17. januar 2011-meersumi aalajangiinermini Aningaasaqarnermut Ataatsimiitaliaq ilaatigut ima allappoq:

"...Aningaasaqarnermut Ataatsimiitaliam i amerlanerussuteqartut Naalakkersuisut inassuteqaataat akuersissutigaat, tunngavissaatinneqarluni suliffeqarfimmuit pisortat tapiissutai naapertuuttumik peqqussutilu malillugit atorneqarnerannik naliliinissaq siunertaralugu kukkunersiuismik akuerisaasumik Namminersorlutik Oqartussat kisimik toqqagaannit aningaasarsiaqartitaannillu Arctic Green Foodip naatsorsuutaasa nalunaarutaasalu misissorneqarnissaat."

Taamaattorli Kukkunersiusarermik suliffeqarfiup Deloittep nalilersuilluni misissueqqissaarnera 27. september 2011-meersoq aatsaat Aningaasaqarnermut Ataatsimiitaliamut qarasasiakkut allakktigut 9. december 2011 nal. 10.40 nassiunneqarsimavoq. Tamanna isumaqarpoq ataatsimiitaliap aatsaat nalilersuilluni misissuineq tigusimagaa qinnuteqaat manna nassiunneqareersoq suliarineqareersorlu. Tamannalu piffissaagallartillugu Naalakkersuisut nassuissimanningerannik oqaatigineqartariaqarpoq. Taamaattorli tunngavigineqartariaqarpoq kukkunersiuinermit naliliinerit Naalakkersuisut allattoqarfiata AI2012-imi aningaasaliissutinik missingiinerni aallaavinnilu ilanngutereersimassagai, taamaalillunilu suliffeqarfiit marluk tunnitsiviinut ingerlatsinermut tapiissutit 2013-ip naanerani tamakkiisumik atorunnaarsinne-qassallutik. Ilaatigut kukkunersiusup misissuisitsineranit takuneqarsinnaavoq suliffeqarfiit marluk 2009-mi 2010-milu RG AGF-ilu eqqarsaatigalugit taakku amigartoorutaat missinger-suutigineqartunit 6,3 aamma 6,6 mio. kr.-inik annikinnerusimasut, taamaalillunilu ingerlan-neqarnerat naatsorsuutigisamit pitsaanerulluni.

Paasinarsissagaluarpat – naatsorsuutiginngisamik – aamma 2013-ip kingorna suliffeqarfinnik marlunniq sullissinissamik isumaqatigiissuteqarnissaq suli kissaatigineqarluniluunniit pisari-aqartinneqassasoq taava naatsorsuutigineqarpoq tamatumani kukkunersiuinermit kaammattuu-tigineqartut ilaatigut nalunaaruteqartarnermi aqutsinermi anguniagassanik aalajangersaanerit assigiissaarinerillu tamakkiisumik isumaqatigiissutini nutaani ilanngunneqarnissaat. Tamatu-ma tungaanut kukkunersiuinermit kaammattuutit sullissinissamik isumaqatigiissutinut allanut Naalakkersuisut isumaqatigiissutiginiagaannut tunngatillugu ilitsersuutitut najoqqutas-satut atorneqarsinnaapput.

Aningaasaqarnermut Ataatsimiitaliap aalajangernera

Aningaasaqarnermut Ataatsimiitaliap qulaani allassimasutut paasinnilluni tunngavissallu taa-neqartut aallaavigalugit Naalakkersuisut inassuteqaataat **akuera**.

Aningaasaqarnermut Ataatsimiitaliaq sinnerlugu

Andreas Uldum
Siulittaasoq